

# Kolose Lenji Leta Pol Le Rorori Utu iviva

Kolose iye ghemba regha ina Eisiya e tine. Ma mban̄a regha Pol i wawe (2:1), ko iyemaenge va i wa Epesas, iye Eisiya ghemhaniye laghiye moli na ve vavagharewe theghathegha umboto e tine. Ghayamoyamo ngoreiye va e mban̄ako iyako Epapras i tabo ralon̄welon̄weghathi, na iye va i wa Kolose na ve vavagharen̄a Toto Thovuye gheko, ko amba ekelesiya i yomara e valivan̄gako iyako (1:17; Vakatha 19:10).

Mban̄a Pol ina e thiyo Rom e tine, amba Epapras i wawe na ve thuwe, na i utugiya ekelesiya Kolose utuutuniyewe (1:7-8). Ekelesiya utuniye vavana i thovuye, ko iyemaenge ravavaghare kwan̄ikwan vavana mbe inanjiva e ghem-bako iyako tine. Ravavagharen̄giko thiyako th̄n̄ava ekelesiya ne th̄i ghambun̄giya mbaro i ghanagha lenji kururuko kaiwae, mbema th̄i won̄jon̄a bwagabwaga en̄ge ghanjimbergha na th̄i vakatha viri e riwan̄jiko (2:16, 20-21, 23). Na tembe th̄n̄ava ralon̄welon̄weghathi th̄i kururu wen̄giva nyao thovuthovuye (2:1). Na tembe th̄n̄ava thiye lenji kamwath̄iko e tine ekelesiya valikaiwan̄ji th̄i vaidiya ghareghare regha, na ghareghareko iyako gharighar̄ike wolaghiye ma valikaiwan̄ji.

Iya kaiwae letake iyake e tine Pol i vagharengi Kolose, inja Jisas iye i laghiye kivwalangiya bigibigike wolaghiye na iye Loi emunjoru (1:15-17), na iye ekelesiya umbaliye (1:18). Na Pol tembe i worangiyava, weya Krai bigibigike wolaghiye i mboromboro wenji. Ma valikaiwae tembe thi tamweva ghavatavatabo e valivanja regha (2:2-3, 9-10). Pol tevambe i utunava wenji yawalinji thanavuniye iya valikaiwae thi vakatha kaiwae thiye ralonwelonweghathi (3:1-4:1).

<sup>1</sup> Ghino Pol, Loi le renuwana e tine ya tabo Krai Jisas ghaliṅae gharaghambi. Weingu ghaghanda Timoti <sup>2</sup> wo roriya letake iyake na wo variye i ghaona e ghemi, ghemi Loi le gharighari huya yaku Kolose e tine; ghemi lama bodaboda na ralonwelonweghathi moli weya Krai.

Ya nanjo weya Loi Ramanda ghare wenga na le gharemalili i riyevanjara gharemina.

*Pol i vata ago na i nanjo weya Loi Kolose kaiwanji*

<sup>3</sup> Mbanake wolaghiye wo nanjo kaiwami wo vata ago weya Loi, iye ghandi Giya Jisas Krai Ramae, <sup>4</sup> kaiwae kaero wo lonweya lemi lonweghathi weya Krai Jisas na lemi gharethovuna wenjiya Loi le gharigharike wolaghiye. <sup>5</sup> Lemi lonweghathi na lemi gharethovuko iyako righe kaiwae weimi lemi gharematuwo hu roroghagha thovuyeko iya Loi va i vivatharaweko kaiwami e buruburu. Thovuyeko iyako utuniye va hu lonwe e ututu emunjoru, Toto Thovuye, kaero va i mena wenga. <sup>6</sup> Toto Thovuye kaero i ru wenga,

ngoreiya i ru e yambaneke laghiye. Kaero i yala na i raurau, ngoreiya i vakatha wennga, i ri mbananiye vara va hu lonweya Loi le mwaewo utuniye na hu ghareghareya ghaemunjoru moli. <sup>7</sup> Va hu lonweya utuniye weya Epapras, iye lama valirakakaiwo na valighareghareme i rothiime, na iye Krai le rakakaiwo thovuye kaiwami. <sup>8</sup> Iye i giya yanawame Nyao Boboma le vurigheghe e tine na hu gharethovu wenngiya lemi valiralonwelonweghathi.

<sup>9</sup> Iyako kaiwae i ri mbananiye wo lonweya utunimi, mbe wo ronangonango enge kaiwami mbala Nyao Boboma i giya thimba na renuwanja rumwarumwaruniye e ghemi, na mbala Loi le renuwanja kaiwami hu ghareghare wagiyaawe. <sup>10</sup> Mbala e yawalimina lemi yakuyaku ngoreiya Giya nuwaiya, na lemi vakathake wolaghiye iye i wararinja. Yawalimina mbala i rau na uneya vakatha thovuye lemoyo, na Loi ghaghareghare mbe i laghilaghiye vara e ghemi. <sup>11</sup> Tembe ngoreiyeva wo nango, Loi iye i vavurigheghenga mbe amalaghiniye vara le vurighegheko laghiye e tine na mbala valikaiwami weimi riwouda hu ghatanaghathinngiya vuyowo wolaghiye. Na weimi lemi warari <sup>12</sup> hu vata ago weya Ramanda, kaiwae iye va i vatoghananga na valikaiwami weimiyangiya le gharighari hu wo thovuyeko iyava i woraweko kaiwami manjamanjala ghaghamba mbaro hu wo na regha. <sup>13</sup> Kaiwae Loi kaerova i rakayathuinda na momouwo ma tembe i mbaronaindava, na i vanjuraweinda ra yaku Nariye gharegharethovuniye ele ghamba

mbaro tine. <sup>14</sup> Weya Nariye ghamberegha Loi i vamodo njoghainda na i numotena la thari.

*Krais i laghiye kivwala bigibigike wolaghiye*

<sup>15</sup> Krais iye Loi ma ra thuwathuwa ngalingaliya, na iye viri viva wenjiya Loi le vakathanjiko wolaghiye, <sup>16</sup> kaiwae weya amalaghiniye, Loi va i vakathanjiya bigibigike wolaghiye e buruburu na e yambaneke, bigibigiko iya ra thuwenjiko na iya ma valikaiwae ra thuwenjiko, nyao thovuthovuye na nyaonjiva, thiye e lenji mbaro na e lenji vurigheghe. Weya amalaghiniye na amalaghiniye kaiwae iye Loi va i vakathanjiya bigibigike wolaghiye. <sup>17</sup> Muyai amba bigibigike wolaghiye thi yomara, iye vama inawe, na amalaghiniyewe bigibigike wolaghiye thi yaku. <sup>18</sup> Na tembe ngoreiyeva, amalaghiniye ekelesiya umbaliye na iye riwaya ekelesiya. Iye ekelesiya yawaliye righe, na iye va i vugha thuweiruva. Mbala iye i roviva bigibigike wolaghiye wenji. <sup>19</sup> Kaiwae Loi mbe ghamberegha i worawe le renuwanja, yawaliye na ghatanavuko wolaghiye ina weya Krais, mbema wolaghiyeko vara i riyevanjara. <sup>20</sup> Loi kaero i renuwanja na ngoreiye, weya Krais weinda amalaghiniye namoghamwanda. Va i vivako bigibigike wolaghiye e buruburu na e yambaneke weiye gharighari va thi meghaghathi weya Loi. Iya kaiwae Krais i mare e kros vwatae na madibae i voru, e tine Loi i vakathanji na namoghamwanji weinji na thi vighathi weinji.

<sup>21</sup> Ghemi va hu bwagabwaga moli weya Loi, na va lemi vakatha na lemi renuwaṅa raraithari kaiwanji, ghemi amalaghiniye ghathighiyangi. <sup>22</sup> Ko iyemaenge e mbanake iyake, Nariye riwaeko moli va i mare iya kaiwae Loi i vakathanga na namoghamwami. Na i vakatha ngoreiyako na i vanḡuṅga hu ndeghati e marae hu boboma, hu thina na ma e ghamiwonjowe. <sup>23</sup> Ne i vakatha ngoreiyako thongo ghemi mbe hu vinjimbī vara lemi loṅweghathina hu ndeghati vurigheghe, mane hu nyivinyivi, ko iyemaenge weimi lemi gharematuwo hu ro-roghagha thovuyeko kaiwae iya Totoko Thovuye i woranḡiya. Totoko Thovuye iyako ghemi kaerova hu loṅwe, na gharigharike wolaghiye e yambaneke laghiye kaerova thi loṅwe, na ghino Pol Totoko Thovuye iyako gharakakaiwo.

*Pol i rovrigheghe ekelesiya Kolose kaiwanji*

<sup>24</sup> E mbanake iyake ghino ya warari ya vaidiya vuyowo ghemi ghamithalavu kaiwae. Ghino nuwanḡuiya Krai riwae, iye ekelesiya, ya thalavu, iya kaiwae na ya vavaidiya vuyowoke. <sup>25</sup> Loi kaerova i giya wo mbaro na ya tabo ekelesiya gharakakaiwo, na iya va i giya kaiwoke iyake e ghino na ya vakatha lemi thovuye kaiwae. Wo kaiwo ya utuṅa Loi le utuutuko wolaghiye e ghemi. <sup>26</sup> Loi le utuutuko iyako va mbowo i rothuwele wenḡiya tha na tha mbanā me vivako, ko iyemaenge mbanake iyake kaero i woranḡiya wenḡiya le gharighari. <sup>27</sup> Loi va i renuwaṅa ngoreiye na i woranḡiya wenḡiya le gharighari utuutuko iyava i rothuweleko na

ra ghareghare i thovuye moli, na valikaiwae i thalavungiya ma Jiu gharighariniye. Utu-utuko iyako iyake: Krais i yaku wenja na hu ghareghare wogiyawe nevole hu wo le vwenyevwenyeko. <sup>28</sup> Wo vavaghareña Krais wenjiya gharigharike wolaghiye. Weime lama thimbake wolaghiye wo utu vavurigheghengi na wo vagharengi, kaiwae nuwameiya taulaghiko thi tabo gharighari matuwongi weya Krais, na wo vanjungi wo vanjuruwongi Loi e marae. <sup>29</sup> Weingu lo vurigheghe laghiye moli iya Krais va i giyako e ghino, na ya rorovurigheghe ya kaiwo.

## 2

<sup>1</sup> Nuwanjuiya hu ghareghare ya rovurigheghe laghiye moli kaiwami weimiyangiya gharighari inanzi Leodisiya e tine, na tembe ngoreiyeva gharigharike wolaghiye thiye ma mbanja regha thi thuwathuwa e ghino. <sup>2</sup> Lo rovurigheghe righethoru kaiwae nuwanjuiya ya naevairinga na hu wabwi na regha kaiwae hu ve gharethovu wenga. Tembe ngoreiyeva nuwanjuiya hu vwenyevwenyena ghareghare emunjoru na mbala Loi le renuwana rorothuweleniye hu ghareghare, na iyako iye Krais. <sup>3</sup> Weya Krais thimba na ghareghareko wolaghiye ngoreiya bigi regha thovuye i rothuwele ghinda kaiwanda.

<sup>4</sup> Ma utu e ghemi ngoreiyako kaiwae ma nuwanjuiya lolo regha le riuriu i logheloghe e nuwami na kaiwae amba i yarongawe. <sup>5</sup> Othembe ya mebwagabwaga moli e ghemi, iyemaenge nyao ele valivanja tine ghino mbe

weinguyangi vara ghemi, na ya warari ya thuwenḡa hu kaiwo na regha na hu lonweghathi vurigheghe weya Krai.

*Hu njimbukikiḡa gharighari vavana lenji vavaghare na lenji mbaro kaiwanji*

<sup>6</sup> Kaiwae va hu vanḡuvatha Krai Jisas ghami Giya, wo hu yaku na hu tubwe na regha weimi.

<sup>7</sup> Ghemi ḡgorami wokithinja moli, hu vatada yawalimi weya amalaghiniye na i vurigheghe. Lonweghathiko iyava thi vagharenḡako hu vikikighathi, na mbanako wolaghiye hu vata ago laghiye moli weya Loi.

<sup>8</sup> Hu njimbukikiḡa na thava gharighari thi vakathanḡa hu wona e lenji vavaghare kwanikwaninḡina e tine iya ma e uneunena. Lenji renuwanako iyako ma i mena weya Krai, ko iyemaenḡe i mena orumburumbunji lenji vavaghare e tine, na i mena e mbaro ghanjirerenuwana mbe i mena enḡe e yambaneke. <sup>9</sup> Hu njimbukikiḡa ḡgoreiyako, kaiwae Loi yawaliye na gathanavuko wolaghiye kaero i riyevanjara Krai na i tabo na lolo, <sup>10</sup> kaiwae Krai yawaliye thovuye i riyevanjaranḡa. Nyaonḡike wolaghiye lenji mbaro na lenji vurigheghe Krai i kivwalavaonḡi.

<sup>11</sup> Weya Krai kiteniyathu thanavuniye moli ghemi kaero hu wo. Kiteniyathuko thanavuniye iyako ma ḡgoreiya gharighari thi vakavakatha, ko iyemaenḡe iyako Krai iye i vakatha, na iyako thari thanavuniye iya riwamina nuwaiya gharakayathu kaiwae. <sup>12</sup> Mbanḡa va hu bapitaiso hu mare na regha weimi Krai na thi bekuḡa,

na tembe weimiva hu thuweiru na regha. Loi va i vakathanga na hu thuweiruva kaiwae hu lonweghathigha Loi weiye le vurigheghe i vakatha Krai na tembe i thuweiruva mare e tine. <sup>13</sup> Ghemi kaero va hu mare kaiwae hu vakatha vathari na kaiwae Loi mava i rakayathu thari thanavuniye e tine riwamina nuwaiya moli. Ko iyemaenge mbanake weimi Krai Loi kaero i vakathanga hu thuweiru na e yawayawalimi. Loi kaero i numotena la tharike wolaghiye. <sup>14</sup> La thari utuniye weiye Mosese le Mbaro Loi kaero i rakayathu. La thariko iyako utuniye va i yowo na ve nge weiye e krosiko vwatae. <sup>15</sup> Na nyaongi thiye e lenji mbaro na e lenji vurigheghe kaero Loi i rakayathungi na i vamonjinanangi wabwi e maranji, na e kros vwatae Krai i kivwalangi na thiya yaku e raberabe.

<sup>16</sup> Thava lolo regha i wovatharitharija the bigiya valikaiwami hu ghan o hu mun, o kururu ghathaga kaiwanji, o manjala togha kururu kaiwae, o Sabat kaiwanji. <sup>17</sup> Bigibigike wolaghiye thiyake ngoranjiya iya amba i menamenako ngalingaliya, ko iyemaenge emunjoruniye moli kaero i yomara noroke, iye Krai. <sup>18</sup> Budakaiya tanuwagae moliya ghemi thava hu vatomwe weya lolo regha i woranjiya e ghemi, thonjo inja iye lolo regha na i laghiye kaiwae i thuwengiya vavaghare na nuwaeko mbe nuwaiya vara i vavothana thanavuko iya ma emunjoruko, na hu kururu wengiya nyao thovuthovuye. Ko iyemaenge thonjo hu ghambu lenji renuwana mane hu vaidi modami thovuye. Gharighari



ngoranjiyako mbema thi utu mbele enge ghaenji kaiwae lenji renuwanako mbe i mena enge e yambaneke renuwananiye. <sup>19</sup> Gharighari ngoranjiyako thiye kaero ma thi tubwe weya Krai, iye ekelesiya umbaliya. Iye i mbaronja nginauke wolaghiye na i ghande. Nginau regha na regha thi tubwe na regha na ririwoko iyako i mbuthu ngoreiya Loi le renuwanja.

<sup>20</sup> Kaerova hu mare weimi Krai na ma valikaiwae yambaneke lenji renuwanja thi mbaronjanga. Budakai kaiwae na lemi yakuyaku thanavuniye mbe ngoreiye vara yambaneke yawaliniye? Buda kaiwae hu ghambugha mbarongike iya thijake, <sup>21</sup> “Bigithan thava hu vighathi! Ghaningathan thava hu ghan! Bigithan nimamina ne i ndewawe!”? <sup>22</sup> Mbarongike thiyake iya thi utunja bigibigike kaiwanji, mbanja ne ra vakaiwonjangi kaero thi ko. Mbaroko thiyako na vavaghareko thiyako thi mena wenjiya yambaneke gharighariniye. <sup>23</sup> Emunjoru gharighari lemoyo lenji renuwanja thijava thavala thi vakatha mbarongiko thiyako thiye thi thimba, ko iyemaenge nandere moli. Tembe thiye vara thi vakatha lenji kururuko na thijava thiye ghanjithanavu i ghenenja, ko iyemaenge nandere. Tembe ngoreiyeva, thi giya vuyowo wenjiya riwanji na thijava Loi kaiwae, ko iyemaenge mbarongiko thiyako ma thi thalavugha lolo iya ghambereghako nuwaiya i mbaronja budakaiya riwaeko nuwaiya.

### 3

#### *Yawali togha thanavuniye weya Krai*

<sup>1</sup> Weimi Krai kaero Loi i vanġuthuweiruna mare e tine na kaero e yawayawalimiva, iya kaiwae nuwamina mbe i għanġowe vara bigibigi nanji e buruburu. Krai kaero ina gheko na i yaku Loi e uneke. <sup>2</sup> Mbe hu rerenuwana vara bigibigi yavoroke kaiwanji; na thava lemi renuwana i għanġowa yambaneke bigibiginiye. <sup>3</sup> Ghemi kaerova hu mare yawali teuye e tine, na mbanake iyake weimi Krai e yawalimi togha Loi e marae. <sup>4</sup> Krai iye yawalimi righe moli, na mban Krai ne i yomarava, ne weimi hu yomara na hu vwenyevwenye.

<sup>5</sup> Yambaneke thanavuniyeke wolaghiye iya ina e yawalimina mbema hu roitetenġi vara moli, ngoreiya yathima thanavuniye raraithari, monjina thanavuniye, numwe thanavuniye, thari ghavakatha gharerenuwana, na nġanġaniri thanavuniye (kaiwae nġanġaniri thanavuniye ngoreiya ra kururu wenġiya loi kwanikwan.) <sup>6</sup> Thanavu ngoranjyako kaiwanji Loi le ghatemuru i menamena wenġiya gharighari ma thi ghambugħa għaliġae. <sup>7</sup> Ghemi va hu vakavakatha iya thanavunġiko thiyako na yawalimina va nġora iyako.

<sup>8</sup> Ko iyemaenġe e mbanake iyake hu bigiyathunġiya thanavuke thiyake: wogaithi, ghatemuru, yanji, utuvathari wenġiya għandaune na utu raraithari. <sup>9</sup> Thava hu utu kwanikwan wenġiya għamune, kaiwae yawalimi teuye weiye thanavuniye kaero hu

wokiyathu, <sup>10</sup> na kaero hu njimbo yawalimi togha. Loi kaero i vatoghananga, na iye mbe i vavatoghananga vara, na yawalimina ghathuwathuwa ngoreiya amalaghiniye ghami Ravakatha ngalingaliya, na ghaghareghare i laghiye e ghemi. <sup>11</sup> Iyake kaiwae ma e ghatomethi, thonngo ghinda Jiu o Grik gharighariniye ngoreiye, thonngo ghinda ra wo kiteniyathu thanavuniye o ma ra wo kiteniyathu thanavuniye, thonngo mbe ghalighalija regha gharighariniye, thonngo ghinda wabwi ma thanavu ina wengi, thonngo ghinda rakakaiwobwaga o rakarakayathu gharighariniye. Ko iyemaenge Kraisi iye bigibigike wolaghiye, na iye i yaku wenjiya ralonwelonweghathike wolaghiye.

<sup>12</sup> Iya kaiwae ghemi Loi le tututhi gharighariniye, hu boboma na i gharethovunga. Mbala hu njimbonjiya thanavuke thiyake: ghareviri, mwaewo, gharenja, thanavu udata na ghatanaghathi. <sup>13</sup> Mbe e lemi ghatanaghathi wenja regha na regha na hu venumoteninga mbanja thonngo lolo regha e tinemina i liya gheu regha ghautu. Hu venumoteninga ngoreiya Giya kaerova i numoteninga. <sup>14</sup> Na thanavuke thiyake e vwatanji hu woraweya gharethovu thanavuniye, kaiwae iye i tubwenjiya na regha thanavuke thovuthovuye wolaghiye.

<sup>15</sup> Hu vakatha Kraisi le gharemali i mbaranja gharemi na yawalimi, kaiwae e gharemaliiko iyako tine iya Loi va i kulana e ghemi na hu wabwi na regha. Na mbanjake wolaghiye hu vata ago weya Loi. <sup>16</sup> Mbanjake wolaghiye

mbe hu rerenuwana Kraisi utuutuniye. Weiye lemi thimbana wolaghiye hu vavaghare na hu vavurigheghenga regha na regha. Na mbanja hu wothunangiya sam, kururu ghawothu na wothu vavanava ngoreiya Nyao Boboma le worangiya e ghemi e gharemina hu vata ago weya Loi. <sup>17</sup> Bigibigina wolaghiye iya hu vakavakathana na hu utuutunana, hu vakatha Giya Jisas e idae. Na amalaghiye e idae hu vata ago weya Loi Ramanda.

*Ralonwelonweghathi lenji ngolo gharayakuyaku lenji yakuyaku utuniye*

<sup>18</sup> Ghemi ragheghe wanakau, hu ghambugha lemi ghimoghimoru lenji renuwana, kaiwae thanavu ngoranjiyako i thovuye wenjiya ralonwelonweghathi.

<sup>19</sup> Ghemi ragheghe ghimoghimoru, hu gharethovu wenjiya lemi ovo na thava ghamithanavu i vurigheghe wenji.

<sup>20</sup> Gamagai, hu ghambugha otatami na orarami lenji renuwana e bigibigike wolaghiye, kaiwae iyake Giya i wararija.

<sup>21</sup> Ghemi oramaramanji, thava hu wonjonanjonangiya lemi ngangana, ne iwaenge hu vakowana ghaminanji, ko amba thi renuwana na thijava ma valikaiwanji thi vakatha bigi thovuye regha.

<sup>22</sup> Ghemi rakakaiwobwaga, ghamigiyagiya e yambaneke hu ghambugha lenji renuwana e bigibigike wolaghiye. Thava kaiwae mbe maranji vara wenga amba hu kaiwo na thovuye, na mbala thi warari kaiwami. Ko iyemaenge

hu kaiwo weiyē lemi gharevatomwe na lemi yavwatata weya Giya. <sup>23</sup> The kaiwo hu vakatha, hu vakatha weiyē gharemina laghiye, ngoreiya hu kaiwo weya Giya na ma gharighari kaiwanji ngoreiye. <sup>24</sup> Kaiwae hu ghareghare budakaiya Giya va i vivatharawe le gharighari kaiwanji ne i wogiya e ghemi. Ghemi Krai le rakakaiwo, na ghemi ghami Giya moli. <sup>25</sup> Thari gharavakatha regha na regha ne i wo modae le thariko kaiwae. Loi ne i ghathanjiya gharigharike wolaghiye, ne i mboromboro.

## 4

<sup>1</sup> Ghemi giyagiyana, lemi rakakaiwobwagana ghamithanavu wenji i rumwaru, kaiwae hu ghareghare ghemi tembe ngoreiyeva, ghami Giya Laghiye mbe ina e buruburu.

### *Renuwaja vavanava*

<sup>2</sup> Mbe hu nango valaja, na e lemi nanjona tine thava weiyē maraghenaghena na mbe hu vata ago weya Loi. <sup>3</sup> Tembe ngoreiyeva mbe hu nanjonanjo ghome kaiwame, na mbala Loi i vugha kamwathi weime na wo utuja ghalijae. Utuutuko iyako Krai utuutuniye, na iviva vambowo i rothuwele. Utuutuko iyako kaiwae noroke ghino inangu e thiyo tine. <sup>4</sup> Hu nango kaiwangu na mbala valikaiwangu ya utuja Krai utuniye (thovuye) na i manjamanjala, kaiwae wo mbaro ngoreiye.

<sup>5</sup> Lemi yakuyakuna e tine mbe hu ghareghare na hu vakatha lemi vakatha wenjiya thavala amba ma thi lonweghathi, na tha hu vakowana

ghamimbaṅa thovuye regha. <sup>6</sup> Mbaṅake wolaghiye hu utuutu wenḡiya gharighari, utuutu ghaminanji thovuye hu utuṅa wenḡi (na valikaiwae i thalavunḡi), na valikaiwami hu ghareghare ṅgoronḡa ne huṅa na hu thombe wagiyaweya gharigharike wolaghiye lenji vaitonḡi.

### *Dage mwaewo*

<sup>7</sup> Taikikas, iye ghaghandana valigharegharenda, lo valirakakaiwo thovuye Giya kaiwae. Amalaghiniye ne i utuṅa utuutuninguke wolaghiye e ghemi. <sup>8</sup> Iyako kaiwae ya variye i ghaona e ghemi na i utuṅa lama yakuyakuke utuniye e ghemi na i ṅaevavairinḡa. <sup>9</sup> Iye weiye Onisimos, ghaghanda thovuye na valigharegharenda, na lemi wabwina loloniye regha. Thiye ne thi utugiya e ghemi bigibigike wolaghiye thi yoyomara e valivanḡake iyake.

<sup>10</sup> Aristako, iye weinḡu wo yaku e thiyo. Weiye Mak, Banabas ighaiye, lenji mwaewo e ghemi. (Thonḡo Mak ne i ghaona e ghemi, weimi lemi warari hu vanḡuvatha ṅgoreiya va ya utuma e ghemi.) <sup>11</sup> Jisas, tembe thi reniva idae Jastas, i mwaewo e ghemi. Elo valirakakaiwoke tine, ma theghetoke enḡe thiyake Jiu gharighariniye, na ya kaiwo weinḡuyanḡi Loi le ghamba mbaro kaiwae, na lenji thalavu i laghiye moli e ghino. <sup>12</sup> Epapras i mwaewo e ghemi, iye lemi wabwima loloniye regha na Krai Jisas le rakakaiwo regha. Mbaṅake wolaghiye i nanḡonanḡo vurigheghe kaiwami na mbala

hu ndeghathi vurigheghe, lemi lonweghathi i matuwo, na hu ghareghare wagiya weya Loi le renuwaṅa kaiwami. <sup>13</sup> Ya vaemunjoruṅa e ghemi, i rovurigheghe na i kaiwo ghemi kaiwami weimiyangiya ralonwelonweghathi inanji Leodisiya na Hiyerapolis e tinenji. <sup>14</sup> Luk iye lama dokita valighareghareme, weiyе Dimas thi mwaewo e ghemi.

<sup>15</sup> Hu giya lo mwaewo wenjiya la bodaboda inanji Leodisiya e tine, na tembe ngoreiyeva weya lounda Nimpa weiyangiya ekelesiya thi memevathavatha ele ngolo tine. <sup>16</sup> Mbanja ne hu vaonavao letake iyake, tembe hu variye na i wava ekelesiya Leodisiya e tine na thi vaona. Na tembe ngoreiyeva leta va ya variye Leodisiya, thi livenṅa na ghemi tembe hu vaonava. <sup>17</sup> Hu dage weya Akipas huṅa, “Kaiwoko iyava Giya i wovengena u vakathava.”

<sup>18</sup> E mbanjake iyake mbe wombergha vara ya roriya iyake. Ghino Pol ya mwaewo e ghemi. Hu renuwanakiki ghino mbe inanṅu e thiyo tine. Loi ghare e ghemi.

**Toto Thovuye Loi Ghalinae**  
**Portions of the Holy Bible in the Sudest language of**  
**Papua New Guinea**  
**Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

---

PDF generated using Haiola and XeLaTeX on 22 Feb 2024 from source files dated 31 Aug 2023

7a63d67b-b890-5db0-8880-b6fd64f3b62f